



# partii naleraq

6.maj 2016

UPA2016/34

**Kalaallit Nunatsinni aalisakkat qaleruallillu tunisassiassatut qaqqineqartartut ingitaqarani tamakkiisumik tunisassiarineqartarnissaat anguniarlugu Naalakkersuisut UPA2017-imi nassuiaammik saqqummiusseqqullugit peqquneqarnissaannik Inatsisartut aalajangiiffigisassaatusiunnersuut.**

(Inatsisartunut ilaasortaq Jess Svane, Siumut)

Inatsisartunut ilaasortaq Jess Svane Siumut, aalajangiiffigisassamik siunnersuuteqarpoq tassalu aalisakkat qaleruallillu nunatsinni igitarani tunisassiarineqartarnissaannik tamannalu oqaaseqarfigissavarput.

Nalunngilarput ilisimalluarlugu nunatsinni aningaasanik nalilippassuarnik peqaratta pingaartumik pisuussutit uumassusillit aalisakkat miluumasullu, ajoraluartumillu tamakkiisumik ulloq manna tikillugu iluaqutiginnisatsinnik ilami oqarluannaraanni eqqakkatsinnik, taamatullu ingerlanerput aamma torrallaataangitsummik ingerlaaseqarnitsinnut takussutissaasoq isertuunnagu oqaatigisariaqarparput.

Aalisakkat perlukui tamarmik igitsinertaqannigsumik, aammalu aalisagartat tamavimmik igitsinertaqannigsumik tamavimmik tulaanneqartarnissaat peqqussutissanngortariaqarpoq. Tassami oqaluttuat tusartakkallu malillugit avataani aalisagarniat aamma eqqaarujussuartartut oqaatigineqartarpoq, tassalu qeerarpassuit suluppaagarpassuillu eqqarneqartartut oqaatigineqartarpoq, aammalu sinerissami aalisarnermi pisanik igitsisarneq takornartaangilaq tamannalu akuersaaginnarsinnaajunnaarparput eqqaavallaaqaagut.

Naalakkersuisut aalisakkanik tamakkiisumik atorluanaanissamik misissuillutik nalunaarusiorlutik aallartereersimagaat paasivarput tamannalu ajunngilluinnarpoq, tassami nunat saniligut taamatut nioqqutissiortarnermikkut ukiorpassuanni ingerlareerput, taava suna uagut misissorniariippit? takusinnaasagullu malillugit nunat allat niuerutigaaat, uagunaasit kalaalissilluta, imaluunniit qallunassillutaasiit misissorniariarparput tunisassiarisinnaanerlugit, oqartariaqarpugut qanoruna ingerlaniartugut? tassami ineriartorata misissuinnarsinnaangilagut allammi nunat niuerutigaaat misissuinnarnagit qaa aallartinniarta, taamaattumik suliffeqarfiussuarput Royal Greenland piumaffiginerusariaqalerparput

Nunatsinni inuussutissarsiornikkut siuarnerussagutta taava avammut niuersinnaaneq nukittorsariaqarparput, aalisartut periarfissallit kattullutik avammut niuersinnaanerat ammaanniartigu, taamaliornikkut aamma aningaasat amerlanerusut toqqaannartumik inuit kaassarfiinut nuunneqarsinnaagaluarput, pisariaqannigsumik allaffissornermut, pisortanullu

anigaasarsiaakkaarpassuarnut asuli torartiinnarnagit, pilersitsisummi nioqutissiornermut tassagaaluarput anigaasanik amerlanerusunik tigoraasussaagaluartut tassalu aalisartut.

Taamatulli aamma pingaartigaaq tuaviutissallugu tassalu inuussutissalerinermit oqartussaaffiup danskit nunaanniit nunatsinnut nuunneqarnissaa tuaviuttariaqalerparput. Tassamiaa aamma misissoqqaarlugu aatsaat tigusinnaagipput eqqarsarunarpugut? Misissuiunnaarluta tigusassatta ilaat sukkasuumik tiguniartigit, uagutsinnut naleqqussarlugit ingerlassinnaakutsoorigut qularinngivipparput.

Tassami ilumuunngivippoq ukiorpassuarni inuussutissat nammineerluta piliarisartakkagut aalisakkat panertut, neqit nikkunngorlugit panertitat, puujukkat eqaluit kapisillit qalerallit allallu sooq kalaalimineerniarfinni tuniniarsinnaanngilagut? Sumi nunaqarpa namminneq pilersitaminnik nunaminni tuniniaqqusaanngitsunik? Taanna atuuppoq taamaallaat kalaallit nunaanni inuttai namminersulerumallutik ilungersortut, kisiannili namminneq nioqutissiagut nunatsinni tuniniaqqusaanngitsut, naatsumik oqartariaqalerpugut tassa ikakkunnaarniarta.

Eqqarsarnarsiartuinnarpoq nunatsinni inuussutissarsiutit pingaarnarpaat ilagilersimagaat misissuinersuaq, anigaasarpasuit misissuinermit misissuinermit atoriarlugit naggataatigit oqarfigineqartarpugut misissugaq imminut akilersinnaanngilaq, taamatut oqarfigineqariarluta taava alla tullia aallartinneqartarpoq misissuineq misissuineq, qaa misissuinerit inuussutigisinnaanngilagut inuussutigisinnaasagut tuniniarniartigit aallartinniartalu uagutsinnut misissorunnaarluta, nunammi sanilitta tamarmik nioqutissiarivaat uagut aalisakkat perlukuilu eqqakkagut.

Taamatut oqaaseqarluta inuussutissarsiornermi ataatsimiititaliamut innersuupparput.

Hans Enoksen